

RISALAH PENDEDAHAN PRODUK

RHB Essential Protect Premier

Ini adalah produk insurans

Baca Risalah Pendedahan Produk ini sebelum anda membuat keputusan untuk mengambil RHB Essential Protect Premier. Pastikan anda juga membaca terma dan syarat am.

1. Apakah produk ini?

Polisi insurans berkaitan pelaburan (ILP) ini menawarkan gabungan perlindungan insurans dan pelaburan. Manfaat akan dibayar secara sekali gus jika Orang yang Diinsuranskan meninggal dunia, mengalami Hilang Upaya Menyeluruh dan Kekal (HUMK) atau Hilang Upaya Warga Emas dalam tempoh perlindungan polisi. Pelan ini mempunyai Bonus Kesetiaan, Ganjaran Gaya Hidup dan perlindungan tambahan semasa Kematian/HUMK akibat Kemalangan bagi Orang yang Diinsuranskan dan Pasangan yang Sah.

Nilai dana Insurans Berkaitan Pelaburan ini bergantung pada harga unit dana yang di mana bergantung pada prestasi dana(-dana) pelaburan.

Terdapat 6 dana yang sedia ada untuk pilihan anda, setiap dana mempunyai objektif pelaburan dan profil risiko yang berbeza:

(i) Dana TokioMarine-Enterprise

Bertujuan untuk memaksimumkan pulangan dari jangka sederhana ke jangka panjang dengan melabur dalam saham berkualiti yang disenaraikan dalam Bursa Malaysia dan bursa saham luar negara.

(ii) Dana TokioMarine-Bond

Untuk memberikan pengumpulan modal jangka sederhana hingga jangka panjang dengan melabur dalam sekuriti pendapatan tetap yang berkualiti.

(iii) Dana TokioMarine-Managed

Dana yang diuruskan secara aktif dan bertujuan untuk memaksimumkan pulangan dalam jangka sederhana hingga jangka panjang dengan melabur dalam saham dan sekuriti pendapatan tetap melalui Dana TokioMarine-Enterprise, Dana TokioMarine-Bond dan dalam mana-mana dana Tokio Marine yang lain atau dana pihak ketiga yang mungkin ditawarkan pada masa hadapan.

(iv) Dana TokioMarine-Orient

Bertujuan untuk meningkatkan modal dalam jangka sederhana hingga jangka panjang dengan melabur dalam skim pelaburan kolektif tunggal yang melabur secara terpilih dalam sekuriti, seperti ekuiti dan bon yang berkaitan, sama ada yang disenarai atau akan disenarai dalam pasaran ekuiti Asia yang bukan dari Japan.

(v) TokioMarine-Dana Ikhtiar

Bertujuan untuk memberikan gabungan yang seimbang bagi pendapatan dan modal yang berpotensi berkembang dengan melalui pelaburan dalam saham yang tersenarai dalam Bursa Malaysia atau bursa saham yang lain, saham tidak tersenarai dan sekuriti hutang Islam dan aset lain yang tidak memberi faedah yang boleh diterima di bawah prinsip Syariah. Akan tetapi, polisi ini bukan pelan yang mematuhi prinsip Syariah.

(vi) Dana TokioMarine-Luxury

Untuk melabur dalam Dana RHB Leisure, Lifestyle & Luxury yang berpotensi mencapai peningkatan modal berjangka panjang dengan melabur dalam ekuiti dan ekuiti berkaitan sekuriti yang dikeluarkan oleh syarikat-syarikat yang menyediakan barangan dan perkhidmatan-perkhidmatan dalam pasaran Riadah, Gaya Hidup dan Mewah, atau skim pelaburan kolektif yang mempunyai tujuan pelaburan yang sama.

Sila rujuk risalah(-risalah) fakta dana untuk mendapatkan maklumat lanjut tentang dana-dana pelaburan.

Polisi ini memberi opsyen Premium Tambahan seperti berikut:

(i) Premium Tambahan Berkala

Satu opsyen yang membolehkan anda menentukan jumlah premium yang akan dibayar dengan kekerapan yang sama seperti premium asas untuk meningkatkan Nilai Dana Pelaburan anda.

(ii) Premium Tambahan Tunggal

Satu opsyen yang membolehkan anda membayar premium tambahan satu kali untuk meningkatkan Nilai Dana Pelaburan anda

Polisi ini boleh diserahkan pada bila-bila masa selepas berkuatkuasa. Nilai serahan adalah tidak terjamin dan bergantung pada prestasi dana pelaburan.

2. Apakah perlindungan/ manfaat yang diberikan?

Jumlah yang Diinsuranskan bagi pelan ini adalah RM <Jumlah>.

Polisi ini memberikan:

<p>(i) Manfaat Kematian/HUMK/Hilang Upaya Warga Emas[^]</p>	<p>Nilai Dana Pelaburan (IFV) dan</p> <p>(a) Nilai Dana Perlindungan (PFV); ATAU</p> <p>(b) Jumlah Asas Semasa yang Diinsuranskan* tolak sebarang pengeluaran daripada PFV dalam tempoh 12 bulan yang lepas sebelum tarikh kematian/HUMK/Hilang Upaya Warga Emas Orang yang Diinsuranskan mengikut mana-mana lebih tinggi, tolak sebarang keterhutangan.</p>
<p>(ii) Manfaat Kematian/HUMK akibat Kemalangan** disebabkan oleh</p> <p>(a) sebarang sebab selain daripada menaiki Pengangkutan Awam dan Bencana Alam</p> <p>(b) semasa menaiki Pengangkutan Awam</p> <p>(c) Bencana Alam</p>	<p>(a) Tambahan RM <Jumlah> (iaitu 100% Jumlah Asas yang Diinsuranskan)</p> <p>(b) Tambahan RM <Jumlah> (iaitu 200% Jumlah Asas yang Diinsuranskan)</p> <p>(c) Tambahan RM <Jumlah> (iaitu 300% daripada Jumlah Asas yang Diinsuranskan)</p>
<p>(iii) Manfaat Kematian/HUMK Pasangan yang Sah akibat Kemalangan</p>	<p>Tambahan RM <Jumlah> (iaitu 20% Jumlah Asas yang Diinsuranskan), tertakluk kepada amaun maksimum sebanyak RM 500,000 setiap hayat.</p>
<p>(iv) Ganjaran Gaya Hidup*</p>	<p>Jumlah Asas yang Diinsuranskan bertambah RM <Jumlah> (iaitu 5% Jumlah Asas yang Diinsuranskan) pada akhir setiap 5 tahun polisi, dengan syarat Orang yang Diinsuranskan masih hidup, tertakluk kepada amaun maksimum sebanyak RM <Jumlah> (iaitu 20% Jumlah Asas yang Diinsuranskan). Ganjaran Gaya Hidup ini masih terpakai semasa tempoh Auto Sambungan.</p>
<p>(v) Manfaat Kematangan</p>	<p>Nilai Dana Perlindungan (PFV) tambah Nilai Dana Pelaburan (IFV) (jika ada)</p>
<p>(vi) Bonus Kesetiaan</p>	<p>RM <Jumlah> (iaitu 8% Jumlah Asas yang Diinsuranskan), tertakluk kepada amaun maksimum sebanyak RM 100,000, akan dikreditkan ke dalam PFV dengan kadar peruntukan 100% pada akhir tahun polisi di mana Orang yang Diinsuranskan mencapai umur <Umur> pada hari jadi berikut, sekiranya polisi tersebut berkuatkuasa dan semua premium telah dibayar sehingga terkini. Manfaat ini masih terpakai semasa tempoh Auto Sambungan.</p>
<p>(vii) Opsyen Auto Sambungan</p>	<p>Semasa kematangan polisi sementara polisi masih berkuatkuasa, perlindungan polisi dan mana-mana rider yang dilampirkan akan dilanjutkan selepas Tempoh Perlindungan dengan Opsyen Auto Sambungan sehingga umur 100 tahun pada hari jadi berikut Orang yang Diinsuranskan bagi pelan asas dan maksimum tempoh perlindungan bagi mana-mana rider yang dilampirkan SEKIRANYA jumlah nilai dana mencukupi untuk menolak caj insurans dan caj-caj lain yang berkenaan. Premium tambahan mungkin diperlukan semasa tempoh perlindungan yang dilanjutkan. Polisi ini akan tamat dalam tempoh perlindungan yang dilanjutkan apabila jumlah nilai dana telah digunakan sepenuhnya. Anda boleh menarik balik Opsyen Auto Sambungan ini dengan memberi notis dalam tempoh sembilan puluh (90) hari sebelum tamat Tempoh Perlindungan. Opsyen Auto Sambungan hanya boleh ditarik balik sekali bagi setiap polisi dan tidak boleh dibatalkan selepas permohonan menarik balik opsyen berkuatkuasa. Pelan asas dan semua rider yang dilampirkan akan tamat pada akhir Tempoh Perlindungan sekiranya Opsyen Auto Sambungan ditarik balik. Sekiranya anda tidak mengambil sebarang tindakan pada akhir Tempoh Perlindungan, Opsyen Auto Sambungan akan berkuatkuasa. Sila rujuk bahagian "Opsyen Auto Sambungan" pada Ilustrasi Jualan ini untuk perincian opsyen ini.</p>

Catatan:

- *Jumlah Asas Semasa yang Diinsuranskan = Jumlah Asas yang Diinsuranskan + Jumlah yang Diinsuranskan tambahan daripada Ganjaran Gaya Hidup. Lien Juvenil akan dikenakan untuk peristiwa yang berlaku sebelum umur 5 tahun pada hari jadi berikut.
- **Jika Kematian akibat Kemalangan atau HUMK akibat Kemalangan adalah disebabkan oleh pelbagai peristiwa-peristiwa di bawah perkara (ii), hanya manfaat tertinggi akan dibayar.
- Manfaat HUMK akan dihentikan pada ulang tahun polisi di mana Orang yang Diinsuranskan mencapai umur 70 pada hari jadi berikut, tertakluk kepada RM 8 juta setiap hayat bagi semua polisi hayat individu.
- Manfaat Hilang Upaya Warga Emas akan dibayar semasa Hilang Upaya Warga Emas Orang yang Diinsuranskan pada/selepas ulang tahun polisi di mana Orang yang Diinsuranskan mencapai umur 70 pada hari jadi berikut. Manfaat Hilang Upaya Warga Emas akan dihentikan semasa kematangan polisi.
- Amaun maksimum yang akan dibayar bagi manfaat Hilang Upaya Warga Emas adalah RM 2 juta setiap hayat bagi semua polisi hayat individu.
- ^Salah SATU daripada manfaat Hilang Upaya Menyeluruh dan Kekal (HUMK) atau Hilang Upaya Warga Emas boleh dituntut.
- Amaun tambahan yang akan dibayar semasa Kematian/HUMK akibat Kemalangan akan dihentikan pada ulang tahun polisi di mana Orang yang Diinsuranskan mencapai umur 70 pada hari jadi berikut, tertakluk kepada RM 2 juta setiap hayat bagi Orang yang Diinsuranskan yang berumur 16 dan ke bawah pada hari jadi berikut, dan RM 10 juta setiap hayat bagi Orang yang Diinsuranskan yang berumur 17 sehingga 70 pada hari jadi berikut.
- Manfaat Kematian/HUMK Pasangan yang Sah akibat Kemalangan hanya akan dibayar semasa kematian atau HUMK akibat kemasalangan pasangan yang sah Orang yang Diinsuranskan yang berumur kurang daripada umur 70 pada hari jadi berikut. Manfaat ini hanya akan dibayar sekali sahaja untuk setiap polisi.

Jaminan Berkuatkuasa

Polisi ini tidak akan luput dalam lima (5) tahun polisi yang pertama walaupun nilai dana polisi ini menurun ke kosong. Jaminan Berkuatkuasa ini akan dikekalkan selagi:

- (a) Semua premium yang kena dibayar telah dibayar tepat pada masanya dan premium tidak dikurangkan kecuali semasa Jumlah Asas yang Diinsuranskan atau Jumlah Rider yang Diinsuranskan juga dikurangkan sewajarnya; dan
- (b) Tiada sebarang pengeluaran daripada Nilai Dana Perlindungan semasa tempoh Jaminan Berkuatkuasa.

Polisi ini juga dilampirkan dengan rider(-rider) berikut:

<rider(-rider)>

Dana(-dana) yang dipilih:

Dana(-dana)	Peruntukan Dana (%)
<Dana yang dipilih>	<%>

Peringatan: Sila baca ilustrasi jualan dan risalah(-risalah) fakta dana yang merangkumi manfaat-manfaat produk dan objektif-objektif dana pelaburan. Ia adalah penting supaya anda memilih pelan atau kombinasi dana yang bersesuaian dengan matlamat kewangan dan profil risiko anda.

Jika Orang yang Diinsuranskan berumur kurang daripada 5 tahun pada hari jadi berikut, Lien Juvenil akan dikenakan. Jumlah yang Diinsuranskan[#] yang akan dibayar bagi manfaat kematian/HUMK/Kematian akibat Kemalangan/HUMK akibat Kemalangan akan menurut peratusan yang berikut:

Umur Hari Jadi Berikut semasa tuntutan	Peratusan Jumlah yang Diinsuranskan [#]
1 Tahun	20%
2 Tahun	40%
3 Tahun	60%
4 Tahun	80%
5 Tahun dan ke atas	100%

[#]Jumlah yang Diinsuranskan merujuk kepada:

- Jumlah Asas Semasa yang Diinsuranskan semasa menuntut manfaat kematian/ HUMK; ATAU
- Jumlah Asas yang Diinsuranskan tambahan semasa menuntut manfaat Kematian akibat Kemalangan/HUMK akibat Kemalangan.

Tempoh Perlindungan: <Tempoh> tahun, atau sehingga berlakunya kematian Orang yang Diinsuranskan, bayaran penuh bagi Manfaat HUMK atau Manfaat Hilang Upaya Warga Emas, penyerahan, kematangan, pembatalan atau peluputan Polisi, yang mana lebih awal.

3. Berapakah premium* yang perlu saya bayar?

Jumlah premium yang anda perlu bayar mungkin berbeza bergantung pada keperluan pengunderaitan Tokio Marine Life Insurance Malaysia Bhd

Anggaran jumlah premium yang anda perlu bayar untuk pelan asas ini ialah :

- RM <Jumlah> setiap tahun
- RM <Jumlah> setiap setengah tahun
- RM <Jumlah> setiap suku tahun
- RM <Jumlah> setiap bulan

Tempoh pembayaran premium: <Tempoh> tahun.

Kami memperuntukkan sebahagian daripada premium untuk membeli unit-unit dalam dana(-dana) pelaburan. Sebarang amaun yang tidak diperuntukkan akan digunakan untuk membayar komisen kepada Bank dan perbelanjaan lain kami. Anda dinasihatkan supaya merujuk kepada kadar peruntukan yang ditunjukkan dalam ilustrasi jualan.

***Sila rujuk Jadual 1 dalam ilustrasi jualan ini untuk anggaran jumlah premium yang anda perlu bayar.**

4. Apakah yuran dan caj yang perlu saya bayar?

- Caj-caj insurans akan ditolak daripada nilai-nilai unit anda setiap bulan. Caj-caj insurans akan meningkat apabila umur anda meningkat.
- Fi polisi bulanan sebanyak RM 8.50 perlu dibayar pada tarikh polisi berkuatkuasa dan setiap ulang bulan yang berikut ketika polisi masih berkuatkuasa.
- Kecuali Institusi Pendidikan atau Persatuan Agama yang berdaftar di bawah mana-mana undang-undang bertulis, premium yang perlu dibayar bagi polisi yang dimiliki oleh organisasi atau polisi yang diperuntukkan kepada organisasi adalah tertakluk kepada Cukai Jualan dan Perkhidmatan (SST) (jika berkenaan).
- Caj Pengurusan Dana (% daripada nilai dana setiap tahun)

Dana(-dana)	Maksimum (% setahun daripada Nilai Aset Bersih Dana)	Semasa (% setahun daripada Nilai Aset Bersih Dana)
Dana TokioMarine-Enterprise	1.50%	1.50%
Dana TokioMarine-Bond	1.00%	0.50%
TokioMarine-Dana Ikhtiar	1.50%	1.50%
Dana TokioMarine-Managed	1.50%	1.20%
Dana TokioMarine-Orient	1.50%	1.50%
Dana TokioMarine-Luxury	1.50%	1.50%

- Fi pertukaran dana: Tiada

- Komisen akan dibayar oleh Anda dan akan dibayar daripada premium. Sila rujuk kepada komisen untuk Premium Asas dan Premium Tambahan di bawah:

Tahun Polisi	Premium Asas yang Dibayar* (RM)	Komisen Dibayar		Premium Tambahan yang Dibayar**	Komisen Dibayar	
		Peratusan Premium (%)	Amaun Sebenar (RM)		Peratusan Premium (%)	Amaun Sebenar (RM)
1	<Jumlah>	15.00%	<Jumlah>	<Jumlah>	3.75%	<Jumlah>
2	<Jumlah>	18.00%	<Jumlah>	<Jumlah>	3.75%	<Jumlah>
3	<Jumlah>	9.00%	<Jumlah>	<Jumlah>	3.75%	<Jumlah>
4	<Jumlah>	2.50%	<Jumlah>	<Jumlah>	3.75%	<Jumlah>
5	<Jumlah>	2.50%	<Jumlah>	<Jumlah>	3.75%	<Jumlah>
6	<Jumlah>	2.50%	<Jumlah>	<Jumlah>	3.75%	<Jumlah>
7	<Jumlah>	2.50%	<Jumlah>	<Jumlah>	3.75%	<Jumlah>
8	<Jumlah>	1.00%	<Jumlah>	<Jumlah>	3.75%	<Jumlah>
9	<Jumlah>	1.00%	<Jumlah>	<Jumlah>	3.75%	<Jumlah>
10	<Jumlah>	1.00%	<Jumlah>	<Jumlah>	3.75%	<Jumlah>

* Tidak termasuk Premium Tambahan Terhad dan Premium Tambahan Berkala, jika ada.

**Hasil tambah Premium Tambahan Terhad dan Premium Tambahan Berkala, jika ada.

Catatan:

- Maklumat lanjut tentang fi-fi dan caj-caj untuk ILP telah diberikan dalam ilustrasi jualan. Semua fi dan caj adalah tidak dijamin dan akan disemak semula dengan memberi notis bertulis awal sekurang-kurangnya sembilan puluh (90) hari kepada anda. Sebarang semakan yang dibuat hanya akan berkuatkuasa pada Ulang Tahun Polisi yang seterusnya.

5. Apakah antara terma dan syarat utama yang perlu saya tahu?

- Kepentingan pendedahan - anda mesti mendedahkan semua fakta penting seperti keadaan kesihatan (jika ada), dan menyatakan umur anda dengan betul.
- Tempoh bertenang - polisi ini boleh dibatalkan dengan permintaan bertulis dan mengembalikan dokumen polisi dalam tempoh lima belas (15) hari selepas penghantaran polisi kepada anda. Apabila pembatalan polisi dibuat, kami akan memulangkan jumlah premium yang tidak diperuntukkan, Jumlah Nilai Dana pada tarikh penilaian seterusnya dan sebarang yuran dan caj yang telah ditolak, tolak sebarang perbelanjaan perubatan yang telah kami tanggung (jika ada) semasa mengeluarkan polisi dan polisi anda akan dibatalkan.
- Nilai Dana Perlindungan - baki nilai unit bagi premium pelan asas dan Premium Tambahan Terhad (jika ada) yang telah diperuntukkan pada suatu ketika.
- Nilai Dana Pelaburan - baki nilai unit bagi Premium Tambahan Berkala dan Premium Tambahan Tunggal (jika ada) yang telah diperuntukkan pada suatu ketika.
- Jumlah Nilai Dana - penjumlahan Nilai Dana Perlindungan (PFV) dan Nilai Dana Pelaburan (IFV) yang bergantung pada prestasi dana pelaburan yang dipilih. Semakin tinggi paras perlindungan insurans yang dipilih, semakin banyak unit akan ditolak untuk membayar caj insurans dan semakin kurang unit yang baki untuk mengumpul nilai dana di bawah polisi anda.
- Polisi luput - ILP akan luput sekiranya Jumlah Nilai Dana (TFV) tidak mencukupi untuk membayar caj insurans dan caj lain serta Jaminan Berkuatkuasa telah dibatalkan.
- Caj Insurans - Caj Insurans adalah tidak terjamin. Kami berhak untuk menyemak semula caj insurans yang akan dikenakan pada masa pembaharuan dengan memberi notis bertulis sekurang-kurangnya sembilan puluh (90) hari awal kepada anda. Sebarang semakan semula yang dibuat hanya akan berkuatkuasa pada ulang tahun polisi seterusnya.
- Notis tuntutan - notis bertulis mesti diberikan kepada kami dalam tempoh masa enam puluh (60) hari dari tarikh kematian dan enam (6) bulan dari tarikh HUMK/Hilang Upaya Warga Emas.
- Penggantian polisi - penggantian polisi anda dengan polisi yang baru mungkin tidak berfaedah. Terma dan syarat baru bagi polisi baru mungkin diaplikasi jika keadaan kesihatan semasa adalah tidak memuaskan bagi syarikat insurans baru. Sekiranya anda ingin berbuat demikian, kami mencadangkan supaya anda mendapatkan nasihat daripada kami/wakil jualan kami sebelum membuat keputusan muktamad.

Catatan: Senarai ini tidak lengkap. Sila rujuk kontrak polisi untuk mendapatkan terma dan syarat di bawah polisi ini.

6. Apakah pengecualian utama di bawah polisi ini?

- Manfaat Kematian
 - Bunuh diri (sama ada waras atau tidak waras) dalam tempoh 1 tahun dari Tarikh Dikeluarkan atau Tarikh Pengembalian Semula polisi, yang mana lebih kemudian. Polisi ini akan dibatalkan dan kami akan mengembalikan Jumlah Premium yang dibayar pada tarikh notifikasi, ditolakkan dengan sebarang keterhutangan.
- Manfaat Hilang Upaya Menyeluruh dan Kekal (HUMK)/ Hilang Upaya Warga Emas
 - percubaan membunuh diri (sama ada waras atau tidak waras);
 - kecederaan diri sendiri yang disengajakan atau kecederaan yang dialami semasa berada di bawah pengaruh dadah atau alkohol;
 - kecederaan yang dialami semasa melibatkan diri dalam pengejaran atau kelajuan yang berbahaya atau pertandingan ketahanan;
 - sebarang aktiviti penerbangan (kecuali sebagai penumpang yang membayar atau krew kapal terbang yang dikendalikan oleh penerbangan antarabangsa dan berlesen untuk perkhidmatan penumpang atas laluan komersial yang berjadual tetap);
 - pelayaran kapal selam;
 - perkhidmatan tentera, polis, tentera laut atau aeronautik;
 - pelanggaran undang-undang atau menentang daripada ditahan;
 - sebarang bentuk hilang upaya yang wujud pada Tarikh Dikeluarkan atau Tarikh Pengembalian Semula polisi, yang mana lebih kemudian;
 - peperangan yang diisytiharkan atau tidak diisytiharkan, revolusi, rusuhan dan kekecohan awam, mogok atau aktiviti pengganas; atau
 - Keadaan Sedia Ada* yang wujud sebelum Tarikh Dikeluarkan atau Tarikh Pengembalian Semula polisi, yang mana lebih kemudian.
- Manfaat Kematian/HUMK akibat Kemalangan untuk Orang yang Diinsuranskan dan Pasangan yang Sah
 - sebarang bentuk masalah kesihatan atau penyakit yang disebabkan oleh punca bukan kemalangan;
 - percubaan membunuh diri (sama ada waras atau tidak waras);
 - kecederaan diri sendiri yang disengajakan atau kecederaan yang dialami semasa berada di bawah pengaruh dadah atau alkohol;
 - kecederaan yang dialami semasa melibatkan diri dalam pengejaran atau kelajuan yang berbahaya atau pertandingan ketahanan;
 - sebarang aktiviti penerbangan (kecuali sebagai penumpang yang membayar atau krew kapal terbang yang dikendalikan oleh penerbangan antarabangsa dan berlesen untuk perkhidmatan penumpang atas laluan komersial yang berjadual tetap);
 - pelayaran kapal selam;
 - perkhidmatan tentera, polis, tentera laut atau aeronautik;
 - pelanggaran undang-undang atau menentang daripada ditahan;
 - mengembalikan ketenteraman awam atau membuat apa-apa tangkapan sebagai pegawai undang-undang;
 - peperangan yang diisytiharkan atau tidak diisytiharkan, revolusi, rusuhan dan kekecohan awam, mogok atau aktiviti pengganas;
 - Keadaan Sedia Ada* yang wujud sebelum Tarikh Dikeluarkan atau Tarikh Pengembalian Semula polisi, yang mana lebih kemudian;
 - hernia, jangkitan ptomaina atau bakteria (kecuali jangkitan piogenik yang berlaku disebabkan dan melalui luka atau kecederaan kemalangan); atau
 - racun, gas, wasap (secara sukarela atau bukan sukarela, tidak disengajakan atau sebaliknya, diambil, diberikan, diserap atau disedut).
- Pengecualian Tambahan bagi Manfaat HUMK akibat Kemalangan untuk Orang yang Diinsuranskan dan Pasangan yang Sah
 - segala bentuk Hilang Upaya sedia ada yang wujud sebelum Tarikh Dikeluarkan atau Tarikh Pengembalian Semula polisi, yang mana lebih kemudian.
- Keadaan sedia ada bermaksud hilang upaya atau penyakit di mana seorang individu mempunyai pengetahuan yang wajar terhadapnya Seorang individu akan dianggap mempunyai pengetahuan yang wajar terhadap penyakit sedia ada jika:
 - individu tersebut telah menerima atau sedang menerima rawatan;
 - nasihat perubatan, diagnosis, jagaan atau rawatan telah dicadangkan;
 - simptom yang jelas dan tepat serta dapat dilihat dengan nyata; atau
 - kewujudannya dapat diperhatikan dengan jelas oleh orang yang sewajarnya dalam keadaan tertentu.

Catatan: Senarai ini adalah tidak lengkap. Sila merujuk kontrak polisi untuk senarai penuh atas pengecualian di bawah polisi ini.

7. Bolehkah saya membatalkan polisi saya?

Membeli ILP berpremium berkala merupakan satu komitmen kewangan jangka panjang. Anda tidak digalakkan untuk memegang polisi ini untuk tempoh yang singkat memandangkan kos permulaan yang tinggi. Jumlah nilai yang akan kami bayar kepada anda apabila anda membatalkan polisi sebelum kematangan polisi akan kurang daripada jumlah premium yang telah anda bayar melainkan dana(-dana) yang dipilih mempunyai prestasi yang sangat baik. Jika anda mendapati bahawa dana yang anda pilih tidak lagi sesuai, anda mempunyai kelonggaran untuk menukar dana(-dana).

8. Apakah yang perlu saya lakukan jika saya bertukar alamat dan nombor telefon?

Ia adalah penting bagi anda untuk memaklumkan kami tentang sebarang perubahan maklumat anda bagi memastikan semua surat-menyurat dapat disampaikan kepada anda tepat pada masanya.

9. Di manakah boleh saya mendapatkan maklumat lanjut?

Sekiranya anda memerlukan maklumat tambahan tentang produk ini, sila layari www.rhbgroup.com.

Jika anda mempunyai sebarang pertanyaan, sila hubungi kami di:

Tokio Marine Life Insurance Malaysia Bhd.

Ground Floor, Menara Tokio Marine Life

189, Jalan Tun Razak,

50400 Kuala Lumpur.

Talian Am : 03-2059 6188

Faks : 03-2162 8068

Nombor Khidmat Pelanggan : 03-2603 3999

E-mel : customercare@tokiomarinelife.com.my

10. Jenis perlindungan lain seumpamanya yang disediakan

Sila tanya Kami/ wakil jualan untuk jenis pelan lain yang seumpama yang Kami tawarkan.

MAKLUMAT PENTING:

INI MERUPAKAN PRODUK INSURANS YANG DIKAITKAN DENGAN PRESTASI ASET-ASET PELABURAN DAN BUKAN SEJENIS PRODUK PELABURAN TULEN SEPERTI UNIT AMANAH SAHAM. ANDA MESTI MENILAI PILIHAN ANDA DENGAN TELITI DAN BERPUAS HATI BAHAWA PELAN BERKAITAN PELABURAN YANG DIPILIH DAPAT BERSESUAIAN DENGAN RISIKO ANDA, DAN ANDA MAMPU MEMBAYAR PREMIUM SEPANJANG TEMPOH POLISI. UNTUK MENINGKATKAN NILAI PELABURAN PADA BILA-BILA MASA, ANDA DINASIHATKAN SUPAYA MEMBAYAR PREMIUM TAMBAHAN SEBAGAI 'TOKOKAN'. PULANGAN DARIPADA DANA BERKAITAN PELABURAN ADALAH TIDAK DIJAMIN.

PREMIUM TAMBAHAN BERKALA DIKAITKAN DENGAN PRESTASI ASET-ASET PELABURAN DAN BUKAN SEJENIS PRODUK PELABURAN TULEN SEPERTI UNIT AMANAH SAHAM. ANDA MESTI MENILAI PILIHAN ANDA DENGAN TELITI DAN BERPUAS HATI BAHAWA DANA(-DANA) BERKAITAN PELABURAN YANG DIPILIH DAPAT BERSESUAIAN DENGAN RISIKO ANDA, DAN ANDA MAMPU MEMBAYAR PREMIUM SEPANJANG TEMPOH POLISI. PULANGAN DARIPADA DANA BERKAITAN PELABURAN ADALAH TIDAK DIJAMIN.

PERLINDUNGAN PIDM UNTUK MANFAAT YANG DIBAYAR DARIPADA BAHAGIAN UNIT POLISI INI ADALAH TERTAKLUK KEPADA SYARAT-SYARAT TERTENTU. Sila rujuk Brosur Sistem Perlindungan Manfaat Takaful dan Insurans PIDM atau hubungi Tokio Marine Life Insurance Malaysia Bhd. atau PIDM ([layari www.pidm.gov.my](http://www.pidm.gov.my)).

Pelan insurans ini diunderait oleh Tokio Marine Life Insurance Malaysia Berhad [199801001430 (457556-X)], sebuah Syarikat yang dilesenkan di bawah Akta Perkhidmatan Kewangan 2013 dan dikawal selia oleh Bank Negara Malaysia.

RHB Bank Berhad [196501000373 (6171-M)] ialah pengedar pelan insurans ini dan beralamat di RHB centre, Jalan Tun Razak, 50400 Kuala Lumpur.

Maklumat yang disediakan dalam risalah pendedahan ini adalah sah pada 28/02/2024.